


Iroun Beretitenti
Henry-B. Eyring

Moan Kauntira n te
Moan Beretitentii



Kina, Uringa, ao Anga te Kakaitau

Etuangira te Atua bwa ti na anga ara kaitau Nakoina ibukin aekakin kakabwaia are ti kare- kea mai irouna. E bon bebete nakoira bwa ti na riki n akea ara namakin i nanon ara tataro ni kakaitau, n taainako ni kaokioka te taeka ae titebo ma akea te nano n anga te kaitau bwa ana bwaintituaraoi te nano nakon te Atua. Ti na bon “anga kaitau . . . inanon te Tamnei” (taraaD&C 46:32) bwa ti aonga n namakina te kakaitau ae koaua ibukin are e a tia n anganira te Atua.

Ti na uringnga te mwakoro ni kabane are e a tia ni karaoia te Atua ibukiira? Te Abotoro Ioane e rekootina e anga reirei nakoira iai are te Tia Kamaiu ibukin te bwaintituaraoi n ururing are e roko man ana bwaintituaraoi te Tamnei ae Raoiroi: “Ao te Tia Ibuobuoki, are te Tamnei are Raoiroi, are e na kanakomaia te Tama n arau, E na reireingkami bwaai ni kabane, ao e na kaururing i nanomi bwaai ni kabane ake I atongi nakoimi” (Ioane 14:26).

Te Tamnei ae Raoiroi e na uoti ururing rikaki man bwaai ake e a tia n reireiniira. Ao teuana man ana kawai te Atua e a tia n reireiniira bon Ana kakabwaia; ao ai ngaia, ngkana ti rinea ni kammwakura te onimaki, te Tamnei ae Raoiroi e na karokoa ana akoi te Atua nakon ara ururing.

Ko kona ni kata anne i nanon te tataro n te bong aio. Ko kona n iira te tua are e taekinna bwa ko riai ni

kaitaua te Uea Atuam ni bwaai ni kabane (taraa D&C 59:7).

Beretitenti Ezra Taft Benson (1899–1994) e karioa bwa te tataro e karika te tai ni karaoa anne. E taku: “Te Burabeti Iotebwa e taku n te taina bwa teuana te bure ae rangi ni korakora are te Aomata ae Itiaki ni Boong aika Kaitira are e na kairua iai bon bure n aki kakaitau. I kakoaua bwa angiai mai ibuakora a tuai n iangoia bwa anne bon te bure ae korakora. Bon iai kantaninga ae korakora ibukira n ara tataro ao i nanon ara bubuti nakon te Uea ni bubuti ibukin kakabwaia riki. Ma n tabetai I namakina ae ti kainnanoia ni kabanea riki ara tai n ara tataro ni kaota ara kakaitau ao ni karabwara-bwa ibukin kakabwaia ake ti a tia ni karekei. Ti rangi ni kimareirei.”¹

Ko kona ni karekea te aekaki n taneiai aio ma ana bwaintituaraoi te Tamnei ae Raoiroi n te bong aio. Ko kona ni moana oin am tataro ma te kaitau. Ko kona n moana ni wareka am kakabwaia ao ngkanne toki ibukin te tai ae uarereke. Ngkana ko kammwakura te onimaki ma te bwaintituaraoi mai iroun te Tamnei ae Raoiroi, ko na kunea bwa ururing man kakabwaia ake tabeua a na roko ni kaona am iango. Ngkana ko moanna ni kaota am kakaitau ibukiia ni kabane, am tataro e kona n ae e na maan riki teutana nakon are ko tata-neiai. Te ururing e na roko, ao ai aron naba te kakaitau.

Ko kona ni karaoa naba anne ngkai ko koroboki inanon am tienoro. Te Tamnei ae Raioiroi e a tia ni buokia aomata n anne man moan waakin te tai. Ko uringnga bwa n ana boki Moses e taekinna bwa te boki ni kauring e kawakinaki n ana taetae Atam ao inanon te boki anne e koreaki bwa te aomata are e wetea aran te Atua bwa e aonga ni koreia man te tamnei n anainano e butimwaeaki ana bubuti, (taraaMoses 6:5).

Beretitenti Spencer W. Kimball (1895–1985) e kabwarabwa te kawai anne n te koroboki ae anainano: “Naake a kawakina te boki ni kauring a na taraa riki ni ururinga te Uea inanon maiuia. Taian tienoro bon kawai ni wareki ara kakabwaia ao katukan warebwai ni kakabwaia akanne (ibukiia ara kariki bwa a na warekia) ibukin maiuraoira.”²

Ngkai ko waaki ni korei, ko kona n titirakiniko, “E kanga te Atua ni kakabwaiai ma naake I tangiriia n te bong aei?” Ngkana ko kakaraoa anne n tainako ma te onimaki, ko na n uringji kakabwaia. Ao n tabetai ko na kaoka am ururing nakon bwaintangira ake koa tia ni karekei ake ko aki kona n uringi inanon te bong ma ko na ataia imwiin ana mwakuri te Atua inanon maium.

I tataro bwa ko na reitinako ni karaoa te mwakuri inanon te onimaki ni kina, uringa, ao n anga te kakaitau ibukin are e a tia ni karaoria Tamara are I Karawa ao ara Tia Kamaiu are a karaoria ni kauka te kawai nakon te mweenga nakoia.

BWAI AIKA A NA TARAIAKI

1. Ezra Taft Benson, *God, Family, Country: Our Three Great Loyalties* (1974), 199.
2. Spencer nbW. Kimball, “Listen to the Prophets,” *Ensign*, Meei 1978, 77.

REIREI MAN TE RONGORONGO AEI

Inanon ana rongorongo, Beretitenti Eyring e kaoira bwa ti na uringa ana akoi Tamara are i Karawa inanon ara tataro. Maroro ma naake ko reireiniia bwa e kanga te tataro ibukin te kakaitau ni kona ni buoka kinaakin bain te Atua inanon maiura. langoia ni katorobubua ma naake ko reireiniia ao angan are e na anga te tataro bwa teuanne ke neienne e kaota tii te kakaitau.

Ko kona naba ni kamatebwaia kakaawakin te kakaitau man warekan kibu aikai n raonaki nakon kibu ake e taekin Beretitenti Eyring: Taian Areru 100; Motiaeia 2:19–22; Aramwa 26:8; 34:38; Doctrine ao Covenants 59:21; 78:19; 136:28.

RORONRIKIRAKE

Karaoa te Warebwai

Beretitenti e ana ana taeka Spencer W. Kimball (1895–1985) ngke e taekinna bwa “Taian tienoro bon kawai ni wareki ara kakabwaia ao katukan warebwai ni kakabwaia akanne(ibukiia ara kariki bwa a na warekia) ibukin maiuraoira.” N te maungatabu ni kabuta n Okitobwa 2012, Beretitenti Thomas S. Monson e anga ana koaua ni korean ana tienoro. E tibwai tabeua bwaaai ake e rinanona ni maiuna, n reitia, “Au tienoro ni katoabong are I kawakinna inanon ririki aikai, e a tia ni buokai ni karekei tabeua bwaaai aika onoti ake N na bon aki kona n uring.” E reirei, “Karaoa te warebwai inanon maiu ao n tarai bwai aika onoti ibukin te kakabwaia, aika bubura ao aika uarereke, ake koa tia ni karekei” (“langoi Kakabwaia,” *Riaona ao Ensign*, Nobembwa 2012, 86). Mwakuri iaon reirei aikai mai irouia burabeti ao katei ami kouru ni korea ami tienoro.

ATAEI

Kawai aika a Mwaiti n Atonga ae Ko Rabwa

(*Ni kabuta te aonaaba n tokin te bong*),
(*Natin Tamara are I Karawa a katorobubua n tataro*),
(*A bane n atonga ae ko rabwa n oin aia taetae*). ”

“Ataei ni Kabuta te Aonaaba,” Children’s Songbook, 16.

Kabongana te mwabe ni kina te kaokoro imarenan aba ake a kabonganaaki iai taetae aikai. Tabeua man taetae aikai a kabonganaaki n aba aika e raka iaon teuana.

1. gracias (Spanish)

2. malo (Tongan)

3. ko rabwa (English)

4. shukriyaa (Hindi)

5. spaseba (Russian)

6. arigatō (Japanese)

7. obrigado (Portuguese)

8. asante (Swahili)

9. merci (French)



Onimaki, Utu, Buoka

Mweeraoi

Tataro mwaaka ni kamatebwia te bwai n reirei aei, n arona ae riai, maroroakinna ma aine ake ko kawariia. Kabonganai titiraki bwa a na buokiko ni kakorakoraia aine ao ni karaoa te Bootaki n Aine bwa iteran maium ae kakaawaki. Ibukin rongorongona riki tabeua, nakon reliefsociety.lds.org reliefsociety.lds.org

Oin te kantninga n te mweeraoi te Ekareti bwa e na buokia kaain te aro bwa ana rki n toroni-bwai, n taraaruua aika a kanaka ma ni kainnano, ao n anga te mwakuri n ibuobuoki. Te mweeraoi e mena iaan ana mwakuri te Botaki n Aine. E taku, Beretitenti Henry B. Eyring, te Moan ni Kauntira n te Moan Beretitentii:

[Te Uea] e katauraoi kawai man waakin te tai ibukia Ana reirei bwa ana ibuobuoki. E a tia n kaoia natina ni katabui aia tai, kaubwaia, ao n ira te waaki ni beku ibukia tabeman. . . .

E a tia ni kaoira ao n tuangiira bwa ti na ibuobuoki n Ana mwakuri n tabekiia rake naake a kainnano. Ti karaoa te berita anne man te ran ni bwabetito ao man Ana tembora te Atua aika a tabu. Ti kaboua te berita n taian Tabati ngkana ti taua te toa.¹

Iaan ana kairiri te bitiobi ao te beretitenti n te mwaanga, taan kairiri n te aba a ibuobuoki ibukin te mweeraoi n te maiu n rabwata ao n te maiu n tamnei. Taai ni beku n

angin te tai e moanaki ma taan reirei ni kakawari ake a ukera te kairiri n ataia bwa a na kanga ni kaeka kainnanoia aine ake a kawaria.

Man Koroboki aika Tabu

Ruka 10:25–37; Iakobo 1:27; Motiae 4:26; 18:8–11; Doctrine ao Covenants 104:18

Man Ara Rongorongo ni Kawai

N Tuun 9, 1842, te Burabeti ae Iotebwa Timiti e kamwakuri aine n te Botaki n Aine bwa a na “buokia kainnano” ao nikamaiui “tamneia aomata.”² Kouru aikai a teimatoa ni mena inuukan te Botaki n Aine ao a kamatataki inanon ara botoniango, “E bon aki bwaka te tangira” (1 I-Korinto 13:8).

Ara kaniman ni beretitenti ni kabuta n te Botaki n Aine, Emmeline B. Wells, ao ana kauntira a katabwena te botoniango n 1913 bwa te kauring ibukin aan reirei: “Ti katanoata oin ara kantninga n . . . [tauau] ni kamatoai ana reirei te Burabeti ae Iotebwa Timiti ngke

e kaota te babaire ike a na kakorakoraki iai aine iaan ana kaetieti te nakoanibonga bwa a na ikotaki nako nanon botaki aika a riai ibukin oin te kantninga ni buokia aika a aoraki, ni buokia aika a kainnano, ni karau nanoia aika a kara, ni kau-ringia aika a mamara, ao ni buokia aika a akea aia karo.”³

N te bong aei, te Botaki n Aine iai ana kairoro n aroia aine ni katabangaka te tangira, ana tangira Iesu ae itiaki, nakoia raoraoia (taraa Moronai 7:46–47).

BWAI AIKA A NA TARAAAKI

1. Henry B. Eyring, “Opportunities to Do Good,” *Liahona and Ensign*, Meei 2011, 22.
2. Joseph Fielding Smith, n *Daughters in My Kingdom: The History and Work of Relief Society* (2011), 63.
3. *Naati Aine n Abanueau*, 63.

Tera ae I Kona ni Karaoia?

- 1.** N na kanga ni katauraoai ao au utu n te maiu n tamnei ao n te maiu n rabwata?
- 2.** N na kanga n ira ana katoto te Tia Kamaiu ngkai I buoki kainnanoia aine ake I taraaruuaia?